



## **TOSHKENT DAVLAT YURIDIK UNIVERSITETI REKTORINING B U Y R U G ' I**

07.10.2022

300-um-son

### **“Jadid tafakkuri” stipendiyasi uchun tanlovni yuqori saviyada o‘tkazish to‘g‘risida**

O‘zbekiston Respublikasi adliya vazirining 2022-yil 28-sentabrdagi “O‘zbekiston Respublikasi Adliya vazirligi tizimidagi ta’lim muassasalari talaba-o‘quvchilari uchun “Jadid tafakkuri” nomli stipendiyani ta’ sis etish to‘g‘risida”gi 228-son buyrug‘ida belgilangan vazifalar ijrosi ta’minlash, Adliya vazirligi tizimidagi ta’lim muassasalari iqtidorli talaba-o‘quvchilarini munosib rag‘batlantirish hamda “Jadid tafakkuri” nomli stipendiyasi uchun o‘tkaziladigan tanlovni yuqori saviyada va shaffof tarzda tashkil etish maqsadida

### **B U Y U R A M A N:**

1. O‘zbekiston Respublikasi adliya vazirining 2022-yil 28-sentabrdagi 228-um-son buyrug‘i rahbarlik va ijro uchun qabul qilinsin.

2. Buyruq bilan quyidagilar:

O‘zbekiston Respublikasi Adliya vazirligi tizimidagi ta’lim muassasalari talaba-o‘quvchilari uchun “Jadid tafakkuri” nomli stipendiya (keying o‘rinlarda – stipendiya) ta’ sis etilganligi;

“Jadid tafakkuri” nomli stipendiyani berish tartibi to‘g‘risidagi nizom, stipendiya tanlovini o‘tkazishni tashkil etish bo‘yicha Tashkiliy qo‘mita hamda tanlovni o‘tkazish bilan bog‘liq sinov vazifalarini ishlab chiqaruvchi maxsus ishchi guruh tasdiqlanganligi;

Stipendiya uchun tanlovni o‘tkazishga Tashkiliy qo‘mita sifatida Toshkent davlat yuridik universiteti (keying o‘rinlarda – Universitet) mas’ul etib belgilanganligi;

tanlovning respublika bosqichini o‘tkazish, shu jumladan respublika bosqichi o‘tkaziladigan joyni bezatish, ovqatlanish, bayram dasturxonini tashkil etish va ishtirokchilar uchun ma’naviy-madaniy tadbirlarni o‘tkazish Universitetning mablag‘lari hisobidan qoplanishi belgilanganligi inobatga olinsin.

3. Quyidagilar:

“Jadid tafakkuri” nomli stipendiya uchun o‘tkaziladigan tanlovning barcha bosqichlarini yuqori saviyada tashkil etish hamda universitetga yuklatilgan vazifalarni yuqori saviyada tashkil etish bo‘yicha Toshkent davlat yuridik universitetining tashkiliy guruhi 1-ilovaga;

“Jadid tafakkuri” nomli stipendiya uchun o‘tkaziladigan tanlovda universitet talabalarining munosib ishtirokini ta‘minlash hamda tanlovning 1-bosqichini tashkil etish bo‘yicha ishchi guruh tarkibi 2-ilovaga muvofiq tasdiqlansin.

#### 4. Tashkiliy guruh (D.Umarov):

stipendiya ta‘sis etilganligi, stipendiya uchun o‘tkaziladigan tanlovda ishtirok etish tartibi, uning nizomi hamda bosqichlari yuzasidan ma‘lumotlarni Adliya vazirligi tizimidagi ta‘lim muassasalarining rasmiy saytlari va ijtimoiy tarmoqlardagi sahifalarida joylashtirilishi, stipendiya yuzasidan barcha talaba va o‘quvchilar o‘rtasida tushuntirish ishlarini olib borish orqali ularni to‘liq xabardor qilinishini nazorat qilsin;

ta‘lim muassasalarida stipendiyada ishtirok etish tartiblari yuzasidan tezkor ma‘lumot almashish, talaba va o‘quvchilarning savollariga aniq va to‘g‘ri javob berish maqsadida professor-o‘qituvchi va xodimlardan iborat guruh shakllantirilishini nazoratga olsin;

ta‘lim muassasalarida stipendiya uchun o‘tkaziladigan tanlovda ishtirok etish istagida bo‘lgan talaba va o‘quvchilarni tayyorlash hamda ularga ko‘maklashish uchun xodim va professor-o‘qituvchilarni biriktirilishini nazoratga olsin;

stipendiya uchun o‘tkaziladigan tanlov jarayonlarida tezkor ma‘lumot almashish, vazifalarni tezkor yetkazish maqsadida Tashkiliy qo‘mita bilan doimiy hamkorlik qilish uchun ta‘lim muassasalaridan mas‘ul xodim biriktirilishi nazoratga olsin hamda mas‘ul xodimlardan iborat tezkor guruh faoliyatini yo‘lga qo‘yilishini ta‘minlasin;

stipendiya uchun o‘tkaziladigan tanlovning barcha bosqichini nizomda belgilangan tartibda yuqori saviyada tashkil etilishini hamda tanlovni shaffof va adolatli o‘tkazilishini ta‘minlasin;

stipendiya tanlovining barcha bosqichlarini o‘tkazish bilan bog‘liq sinov vazifalarini ishlab chiqish bo‘yicha universitet professor-o‘qituvchilariga vazifalar taqsimotini amalga oshirib topshiriqlarni o‘z vaqtida tayyorlanishini ta‘minlasin;

tanlovning ta‘lim muassasalarida birinchi bosqichini o‘tkazish uchun tanlov komissiyalari tarkibini tayyorlab uni tasdiqlatish choralarini ko‘rsin;

tanlovning birinchi bosqichi o‘tkaziladigan sana va joylarini belgilab, sinov vazifalarini o‘z vaqtida taqdim etish choralarini ko‘rsin;

tanlovni o‘tkazishga mas‘ul bo‘lgan ta‘lim muassasalarining barcha xodimlariga tanlovni adolatli va shaffof tarzda o‘tkazilishi, aynan bir ishtirokchiga yon bosish holatlarini oldini olish yuzasidan tushuntirish ishlarini

olib borish, bu borada xatoga yo'l qo'ygan xodimlarga nisbattan intizomiy chora ko'rilishi bo'yicha ularni ogohlantirish choralari ko'rsin;

tanlov jarayonlarini OAVda keng yoritilishini, jarayonlarni internet tarmog'i orqali to'g'ridan-to'g'ri onlayn kuzatib borish imkonini yaratilishini ta'minlasin;

belgilangan vazifalarni yuqori saviyada tashkil etish borasida Adliya vazirligining mas'ul xodimlari bilan doimiy hamkorlikni yo'lga qo'yish choralari ko'rsin.

5. Ishchi guruh (A.Xashimhonov):

tanlovning universitet bosqichini yuqori saviyada tashkil etish hamda barcha jarayonlarni shaffof, adolatli va haqqoniy o'tkazilishini nazoratga olsin;

tanlov nizomi, ishtirok etish shartlari va talablari bo'yicha barcha talabalarni xabardor qilinishini nazorat qilsin;

stipendiya tanloviga ishtirok etish istagida bo'lgan talabalarga tanlov bo'yicha ma'lumotlarni yetkazib borish, ularning savollariga javob berish hamda ularni shartlar yuzasidan tayyorlab borish uchun professor-o'qituvchilardan iborat guruh faoliyatini yo'lga qo'yilishini ta'minlasin;

tanlovning birinchi bosqichi jarayonlarini internet tarmog'i orqali to'g'ridan-to'g'ri onlayn kuzatib borish imkonini yaratilishini ta'minlasin.

6. Prorektor (A.Iminov) tanlovning respublika bosqichini o'tkazish, shu jumladan respublika bosqichi o'tkaziladigan joyni bezatish, ovqatlanish, bayram dasturxonini tashkil etish va ishtirokchilar uchun ma'naviy-madaniy tadbirlarni o'tkazish bilan bog'liq xarajatlarni universitetning byudjetdan tashqari mablag'lari hamda homiylar mablag'lari hisobidan qoplash choralari ko'rsin.

7. Ma'naviyat va ma'rifat markazi (Sh.Po'lotov):

Jamoatchilik va OAV bilan ishlash bo'limi (J.Haydarov) bilan birgalikda tanlov haqidagi ma'lumotlar (infografika, videorolik va boshqalar)ni tayyorlab, ijtimoiy tarmoqlardagi sahifalariga joylashtirib borish hamda tanlov jarayonlarini OAVlari hamda universitetning Internetdagi rasmiy sayti va ijtimoiy tarmoqlaridagi sahifalari orqali keng yoritib borish choralari ko'rsin;

tanlov har yili o'tkazilishini inobatga olib, unda universitet talabalarni munosib ishtirok etishlari uchun doimiy tayyorlab borish choralari ko'rsin.

8. Fakultet dekanlari stipendiya tanlovi yuzasidan barcha talabalarni xabardor qilish, ular o'rtasida tanlovda ishtirok etish bo'yicha keng tushuntirish ishlarini olib borish choralari ko'rsin.

9. Devonxona (X.Abdullayev) ushbu buyruqni barcha mas'ul tarkibiy bo'linmalarga yetkazish choralari ko'rsin

10. Mazkur buyruq ijro nazoratini o'z zimmasida qoldiraman.

**Rektor**



**A.TASHKULOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo‘lgan)

A.BABADJANOV



Yoshlar masalalari va ma‘naviy-ma‘rifiy ishlar bo‘yicha birinchi prorektor

A.XASHIMHONOV



Devonxona mudiri

X.ABDULLAYEV



Xalqaro hamkorlik va uzluksiz ta‘lim bo‘yicha prorektor

D.UMAROV



yuriskonsult

D.ALIBOYEV



Bosh buxgalter

M.PARPIYEV



Moliya-iqtisod ishlar bo‘yicha prorektor

A.IMINOV



## **Buyruq bilan tanishdim**

SH.PO‘LOTOV

